





第三九六冊

四庫全書

●上海古籍出版社

本冊目次

欽定續通志(五)

清
曹嵒仁虎等奉敕撰……………一

欽定四庫全書

史部
欽定續通志卷二百五十一至
四

中書臣
李采覆勘

總校官原任侍講臣
王燕緒

欽定四庫全書

欽定續通志卷二百五十一至
四

列傳

唐

段秀實
劉海濱
顯真卿

段秀實字成公本姑臧人曾祖師濬仕隴州刺史留為
汧陽人秀實六歲母疾病不勺飲至七日病間乃肯食
時號孝童及長沈厚能斷慨然有濟世意舉明經其友

欽定四庫全書

欽定續通志
卷二百五十一

易之乃棄去天寶四載從安西節度使馬靈譽討護密
有功授西安府別將靈譽罷又事高仙芝為判官遷隴
州大推府果毅後從封常清討大勃律次賀薩勞城與
虜戰勝之常清逐北秀實曰賊出羸師餌我也請大索
悉得其伏虜師燔改綏德府折衝都尉肅宗在靈武詔
李嗣業以安西兵五千赴行在節度使梁宰欲逗留觀
變嗣業陰然之秀實切責嗣業嗣業因固請宰遂東師
以秀實為副嗣業為節度使而秀實方居父喪表起為

義王友充節度判官安慶緒奔鄴嗣業與諸將圍之以
輜重委河內署秀實兼懷州長史知州事兼留後時師
老財乏秀實督餽條道募士市馬以助軍諸軍戰愁思
岡嗣業中流矢卒眾推荔非元禮代秀實聞之即遣白
孝德書使發卒護喪送河內親與將吏迎諸境傾私財
葬之元禮高其義奏擢試光祿少卿俄而元禮為麾下
所殺將佐多死惟秀實以恩信為士卒所服皆羅拜不
敢害更推白孝德為節度使秀實凡佐三府益知名時
欽定四庫全書

魏志
卷一百五十一

二

請為都虞候以已亂孝德即檄署付軍俄而晞士十七
人入市取酒刺酒翁壞釀器秀實列卒取之斷首置槩
上植市門外一營大譟盡甲孝德恐召秀實曰奈何秀
實曰請辭於軍乃解佩刀選老雙一人持馬至晞門下
甲者出秀實笑且入曰殺一老卒何甲也吾戴頭來矣
甲者愕眙因曉之曰尚書固負若屬邪郭元帥固負若
屬邪奈何欲以亂敗郭氏晞出秀實曰郭元帥功塞天
地當務始終今尚書恣卒為暴使亂天子邊欲誰歸罪
罪且及副元帥今郭惡子弟以貨竄名軍籍中殺害人
籍籍如是幾日不大亂亂由尚書出人皆曰尚書以副元
帥故不戢士然則郭氏功名其與存者有幾晞再拜曰
公幸教晞願奉軍以從即叱左右皆解甲令曰敢譴者
死秀實曰吾未哺食請設具已食曰吾疾作願宿門下
遂臥軍中晞大駭戒候卒擊柝衛之且與俱至孝德所
謝不能郭由是安初秀實為營田官涇大將焦令謀取
人田自占給與農約熟歸其半是歲大旱農告無入令

魏志
卷一百五十一

三

諶曰我知人不知旱也責之急農無以償往訴秀實秀實署牒免之因使人遞諭令諶令諶怒召農責曰我畏段秀實邪以牒置背上大杖擊二十輿致廷中秀實泣曰乃我困汝即自裂裳裹瘡注藥賣已馬以代償淮西將尹少榮頗剛毅入罵令諶曰汝誠人乎涇州野如赭人饑死而爾必得穀擊無罪者段公仁信大人惟一馬賣而市穀入汝汝取之不恥凡為人傲天災犯大人擊無罪者尚不愧奴隸邪令諶聞大愧流汗曰吾終不可

八人斬以徇曰後徙者族軍遂遷涇州于時食匱郭無居人朝廷患之詔璘領鄭穎二州以佐軍命秀實為留後軍不乏資二州以治璘奏為行軍司馬兼都知兵馬使璘有疾請秀實攝節度副使秀實按甲備變璘卒都虞候史廷幹裨將崔珍張景華欲謀亂秀實送廷幹京師徙珍景華于外一軍遂安即拜四鎮北庭行軍涇原鄭穎節度使數年吐蕃不敢犯塞又按格令官使二料取其一十三年來朝代宗問所以安邊者畫地以對件別條陳帝悅愆賚良渥賜第一區實封百戶遷鎮德宗立加檢校禮部尚書建中初宰相楊炎追元載議欲城原州詔中使問狀秀實言方春不可與土功請須農隙炎謂沮已遂召為司農卿朱泚反以秀實久失兵柄意其必快快遣騎召之不納騎士踰垣入劫之秀實自度不免乃謂子弟曰吾當以死徇社稷耳乃往見之按新書召為司農卿旬下飲火欠明今從通鑑改稱泚喜曰公來吾事成矣秀實曰將士東征宴賜不豐有司過耳人主何與知公本以忠義

開天下今變起倉卒當諭衆以禍福掃清宮室迎乘輿
公之職也泚默然秀實知不可乃陰結左騎衛將軍劉
海賓涇原都虞候何明禮孔目官岐靈岳同謀殺泚三
人者皆秀實素所厚按舊書及通鑑俱云秀實陰結劉
海賓何明禮岐靈岳等三人新書
則殺劉海賓姚令言何明禮為三人考靈岳于秀實追
兵事覺甘心承罪而死應與秀實有同志而今言繼從
此黨新書欲次前後自會源休教泚偽迎天子遣將韓
相矛盾今從通鑑改釋會源休教泚偽迎天子遣將韓
是領銳師三千疾馳奉天秀實以為宗社之危不容喘
乃遣人諭靈岳竊取姚令言印不獲乃倒用司農印追
其兵是至駱駝得符還秀實謂海賓曰是之來吾等無
遺類我當直搏殺賊乃約事急為繼而今明禮應於外
翌日是兵至泚令言大驚靈岳獨承其罪而死不以及
秀實泚召秀實計事源休姚令言李忠臣李子平皆在
坐秀實戎服與休並語至僭位勃然起執休脫奪其象
笏奮而前唾泚面大罵曰狂賊萬段我豈從汝反邪遂
擊之泚舉臂捍笏中顙流血蟻面匍匐走賊衆未敢動
而海賓等無至者秀實大呼曰我不同反胡不殺我遂

遇害年六十五海賓明禮皆繼為賊害帝在奉天恨用
秀實不極才垂涕悔悵初秀實自涇州被召戒其家曰
若過岐來泚必致贈遺慎毋納至岐泚固致大綾三百
家人拒不遂至都秀實怒曰吾終不以汙吾第以置司
農治堂之梁間吏後以告泚泚取視其封帕完新秀實
嘗以禁兵寡弱不足備非常言於帝帝不用及涇卒亂
召神策六軍無一人至者興元元年詔贈太尉諡曰忠
烈賜封戶五百莊第各一區長子三品諸子五品並正
員官帝還都又詔致祭旌其門親銘其碑太和中子伯
倫始立朝累官福建觀察使終太僕卿孫嶷文楚珂知
名嶷自鄭滑節度使入為右金吾衛大將軍封西平郡
公甘露之變嶷當誅裴度奏忠臣後宜免死貶循州司
馬文楚咸通末為雲州防禦使為李克用所殺珂僖宗
時居潁州黃巢圍潁刺史欲以城降珂募少年拒戰衆
裹糧請從賊遂潰拜州司馬
劉海賓者彭城人以義俠聞為涇原兵馬將與秀實友

善累戰功。魚御史中丞劉文喜據涇州叛。海賓與其子光國。紹以奏請。及入對。因言姦慝。可誅。狀既還。光國手斬文喜。獻闕下。拜左驍衛大將軍。封五原郡王。海賓樂平郡王。贈太子太保。實封百戶。

顏真卿字清臣。秘書監師古五世從孫。少孤。母殷氏躬訓導。既長。博學工辭章。事親孝。開元中。舉進士。又擢制科調醴泉尉。再遷監察御史。使河隴時。五原有冤獄。久不決。天且旱。真卿辨獄而雨。郡人呼御史而遷殿中侍

欽定四庫全書

欽定四庫全書

九

御史。宰相楊國忠惡之。諷中丞蔣列奏為東都採訪判官。再轉武部員外郎。國忠終欲去之。乃出為平原太守。安祿山謀逆。真卿度必反。託霖雨增俾。漆陰料才壯備。齋庖日與賓客。泛舟飲酒。以紓祿山之疑。祿山反。河朔盡陷。獨平原城守具備。使司兵參軍李平馳奏玄宗。始聞亂。歎曰。河北二十四郡。無一忠臣。邪。及平至。帝大喜。謂左右曰。朕不識真卿。何如。人所為。乃若此時。平原有靜塞兵三千。乃蒞募士得萬人。饒陽太守盧全誠濟南

太守李隨清河長史王懷忠。景城司馬李暉。鄆郡太守

王愬。各以衆歸。詔北海太守賀蘭進明率精銳五千濟

河為助。賊破。東都遣段子光傳李愬。盧奕。蔣清。首徇河

北。真卿畏衆懼。紹諸將曰。吾素識愬等。其首皆非。是乃

斬子光藏三首。它日結芻纒體飲而祭。為位哭之。是時

從父兄杲卿為常山太守。斬賊將李欽。湊等。清土門十

七郡。同日自歸。推真卿為盟主。兵二十萬。絕燕趙詔。即

拜戶部侍郎。佐李光弼討賊。真卿以李暉自副。而用李

欽定四庫全書

欽定四庫全書

九

銳。賈載沈震為判官。俄加河北招討採訪使。清河太守使郡人李粵來乞師。真卿為出兵六千。知粵材。因謂曰。吾兵已出。子將何以教我。粵曰。朝家使程千里統衆十萬。自太行而東。將出嚙口。限賊不得前。公若先伐魏郡。斬賊守。袁知泰以勁兵拔嚙口。出官師。使討鄴。幽陵。平原。清河。合十萬衆。徇洛陽。分犀銳。制其衝。公堅壁勿與戰。不數十日。賊必潰。相圖。死。真卿然之。乃檄清河等郡。遣大將李擇父。副將范冬馥。和琳。徐浩。與清河博平士

五千屯堂邑袁知泰遣將白嗣深乙舒蒙等兵二萬拒戰賊敗斬首萬級知泰走汲郡史思明圖饒陽遣游奕兵絕平原救軍真卿懼不敢以書招賀蘭進明以河北招討使讓之進明敗於信都會平盧將劉正臣以漁陽歸真卿欲堅其意遣賈載越海道軍資十餘萬以子頗為質頗甫十歲軍中固留不從肅宗已即位靈武真卿數遣使以蠟丸裹書陳事拜工部尚書兼御史大夫復為河北招討使時軍費困竭李粦勸真卿收景城鹽使

欽定四庫全書

魏忠貞

十

諸郡相輸用度遂不乏祿山乘虛遣思明尹子奇急攻河北諸郡復陷獨平原博平清河固守然人心危不復振真卿謀於衆曰賊銳甚不可抗若委命虜國非計也不如徑赴行在至德元載十月棄郡度河間關至鳳翔謁帝詔授憲部尚書遷御史大夫方朝廷草昧不暇給而真卿繩治如平日百官肅然兩京復帝遣左司郎中李選告宗廟祝署嗣皇帝真卿謂禮儀使崔器曰上皇在蜀可乎器遂奏改之帝以為達識又言春秋新官災

魯成公三日哭今太廟為賊毀請築壇於野皇帝東向哭然後遣使不從宰相陳其言出為馮翊太守轉蒲州刺史封丹陽縣子為御史唐旻誣劾貶饒州刺史乾元二年拜浙西節度使劉展將反真卿豫飭戰備都統李岷以為生事因召為刑部侍郎展卒舉兵度淮而岷奔江西李輔國遷上皇西宮真卿率百官問起居輔國惡之貶蓬州長史代宗立起利州刺史不拜再遷吏部侍郎除荆南節度使未行改尚書右丞帝自陝還真卿請先謁陵廟宰相元載以為迂真卿怒曰朝廷事豈堪公再破壞邪載銜之俄以檢校刑部尚書為朔方行營宣慰使未行留知省事更封魯郡公時載多引私黨畏羣臣論奏乃給帝曰羣臣奏事多挾讒毀請每論事皆先白長官長官以白宰相宰相詳可否以聞真卿上疏曰諸司長官者達官也皆得專達於天子即官御史陛下腹心耳目之臣也今陛下欲自屏耳目使不聰明則天下何望焉今令宰相宣進止御史臺作條目不得直進

欽定四庫全書

魏忠貞

十一

從此人不奏事天下之士鉗口結舌陛下漸成孤立後悔無及矣後攝事太廟言祭器不飭載以為誹謗貶峽州別駕改吉州司馬遷撫湖二州刺史載誅楊綰薦之擢刑部尚書進吏部楊炎當國以直不容換太子少師然猶領使及盧杞益不喜改太子太師并使罷之數遣人間方鎮所便將出之真卿往見杞辭曰先中丞傳首平原面流血吾不敢以衣拭親舌舐之公忍不見容乎杞矍然下拜而銜恨切骨李希烈陷汝州杞乃建遣真

欽定四庫全書

卷二百五十一

三

卿論之可不勞師而定詔可公卿皆失色至河南河南尹鄭叔則以希烈反狀明勸不行答曰君命可避乎既見希烈宣詔旨希烈養子千餘拔刀爭進諸將皆嫚罵真卿色不變希烈以身扞麾其衆退乃就館逼使上疏雪己真卿不從又遣李元平說之真卿叱曰爾受國委任不能致命顧吾無兵戮汝尚說我邪希烈大會其黨召真卿使倡優斥侮朝廷真卿怒曰公人臣奈何如是拂衣去希烈大慙時朱滔王武俊田悅李納使者皆在

坐謂希烈曰聞太師名德久矣公欲建大號而太師至求宰相孰先太師者真卿叱曰若等聞顏常山否吾兄也吾守吾節死而後已豈受若等脅邪希烈乃拘真卿守以甲士掘方丈坎於廷傳將阼之真卿見希烈曰死生分矣何多為張伯儀敗希烈令齎旌節首級示真卿真卿慟哭投地會其黨周曾康秀林等謀襲希烈奉真卿為帥事洩曾死乃拘送真卿蔡州真卿度必死乃作遺表墓誌祭文指寢室西壁下曰此吾殯所也希烈僭稱

欽定四庫全書

卷二百五十一

三

帝使問儀式對曰老夫曾掌國禮所記諸侯朝覲耳興元後王師復振賊慮變遣將辛景臻安華至其所積薪于廷曰不能屈節當焚死真卿起赴火景臻等遽止之希烈弟希倩坐朱泚誅希烈因發怒使閹奴等害真卿曰有詔真卿再拜奴曰宜賜卿死曰老臣無狀罪當死然使人何日長安來奴曰從大梁來罵曰乃逆賊耳何詔云遂縱殺之年七十六按舊書年七十七嗣曹王臯聞之泣下因表其大節淮蔡平子願碩護喪還帝廢朝五日贈

司徒謚文忠天下不以姓名稱而獨曰魯公善正草書筆力遒婉世寶傳之貞元六年赦書授顏五品正員官開成初又以曾孫弘式為同州參軍

欽定四庫全書

欽定續通志
卷二百五十一

欽定續通志卷二百五十一

欽定四庫全書

欽定續通志卷二百五十二

列傳

唐五十二

李晟

忠憲
王忠愍

馬燧
陸暢

渾瑊

瑊

李晟字良器洮州臨潭人世為裨將晟幼孤事母孝身長六尺才勇絕倫年十八從河西王忠嗣擊吐蕃有虜

欽定四庫全書

欽定續通志
卷二百五十二

酋乘城晟一矢斃之忠嗣撫其背曰萬人敵也鳳翔高昇召稱列將連破叛羌遷左羽林大將軍擊党項有功授特進大厯初李杞王署為右軍都將吐蕃寇靈州杞王授兵五千使擊之晟曰以衆則不足以謀則多遂將千人出大震關屠定秦堡吐蕃解去進開府兼右金吾大將軍涇原四鎮北庭兵馬使馬璘與吐蕃戰鹽倉敗璘晟拔璘歸封合川郡王璘忌晟歸之朝為右神策都將德宗立吐蕃寇劍南詔晟將神策兵往救踰漏天拔

飛越等三城

通鑑光緒戊二州
今從新舊唐書

追擊大渡河虜引通建

中二年魏博田悅及攻臨洛晟為神策先鋒合河東馬

繼昭義李抱真兵攻新楊朝光晟乘水渡洛破悅又戰

湍水悅大敗遂進攻魏朱滔王武俊應悅圍趙州康日

知抱真分兵二千戍邢燧怒欲引歸晟曰邢趙比壤今

賊攻趙李公分衆守不為過公遽去奈王事何燧悟造

把真壘與交歡晟請合張孝忠兵圍范陽以救趙帝益

以神策三將晟自魏引而北武俊果解圍晟與孝忠北畧

欽定四庫全書

欽定四庫全書

二

恒州圍滔將鄭景濟於清苑決水以灌滔武俊悉兵赴

救晟內攻景濟外抗滔等相持五月不解遂疾甚引還

定州賊不敢逼

通鑑唐軍大敗
今據新舊唐書

疾間將復進會帝出奉

天詔赴難孝忠以軍介二盜間倚晟為重數止晟無西

晟謂天子播越人臣當百舍一息義武欲止吾請留子

約昏又解玉帶遺其親將使諭意始得行詔迎拜神策

行營節度使遣臨渭北壁東渭橋劉德信自扈澗敗歸

亦次渭南軍無制德信入謁晟晟責所以敗斬之并

德信兵勢益振李懷光軍咸陽不欲晟當一面請與合

詔移屯陳濤斜每戰晟必錦衣繡帽指導陣前懷光心

惡之戒其持重晟曰昔在涇原士頗相畏服欲令識之

奪其心耳懷光益怫晟使人說之進兵不納懷光復奏

神策兵給賜比方鎮獨厚衆以為言欲晟自削其軍則

士怨易撓帝遣陸贄詔懷光與晟參議懷光曰衆賜不

均何以令戰晟曰公為元帥專軍政晟一軍增損費調

惟所命懷光不欲腹刻事出己乃止懷光屯咸陽凡八

欽定四庫全書

欽定四庫全書

三

旬陰通朱泚晟懼為所并上言當先變制備請假裨將

趙光銳唐良臣張彧為洋利劍三州刺史通蜀漢襟喉

未報吐蕃請以兵佐誅此帝議親督戰懷光疑奪其軍

圖反益急晟與李建徽陽惠元聯壘事迫適有使至晟

乃令曰奉詔徙屯渭橋即結陣行未幾懷光并建徽惠

元兵惠元死之是日帝進狩梁州駱谷道隘從官乏食

帝嘆曰早用晟言三蜀可坐致也進晟尚書左僕射同

中書門下平章事是時晟以孤軍居強寇間恐二賊合

以軋之則卑詞厚幣偽致誠於懷光而陰為備使張或假京兆少尹調畿內賦不淹旬芻糈告具乃陳兵下令誓以收復士皆雪涕感奮於是駱元光守潼關尚可孤保七盤皆受晟節度戴休顏韓游瓌率奉天郃寧師從晟懷光始懼欲襲晟三令其衆不應懷光令衆謀通繼增乃奔河中偏將孟涉段威勇自拔歸晟詔加晟檢校右僕射兼河中尹河中晉絳慈隰節度使又兼京畿渭北鄆坊丹延節度招討使帝欲益西幸晟請駐梁漢以繫天下望

又進京畿渭北鄆坊商華兵馬副元帥神策軍及晟家皆陷賊中左右或言及晟泣曰天子何在而敢恤家乎此使晟更王無忌婿款壁門曰公等家無恙晟怒斬之時輸練不屬盛夏士有衣裘者晟能同勞苦終無攜怨會諸將謀所向衆言先拔外城後清宮晟曰坊市里閭隘賊若設伏關居人囂潰非計也賊精甲聚苑中直擊心腹將走不暇則宮闕保而肆屢安皆曰善遂移壁光泰門薄城賊將張庭芝李希倩通鑑作希若求戰晟勒吳說

等縱擊華州師少賊急攻晟以精騎馳救中軍譟而從乘勝入光泰門賊再却尸蔽地餘衆竄白華終夜聞哭聲明將復戰或請待西師晟曰賊膽已破當乘機撲滅不可少待容其為計使王必李演將騎史萬頃將步抵苑北神農村先夜墮苑牆二百步為道比至賊已柵木拒戰晟叱諸將曰安得縱賊當先斬公萬頃懼拔柵先入必繼進賊奔潰獲段誠諫大軍分道爭前姚令言庭芝希倩猶殊死鬪晟令唐良臣以步騎奔突賊十餘遇輒北賊入白華賊伏騎千餘起晟率麾下百騎馳擊左右呼曰相公來賊驚潰各就禽誠以殘卒萬人西遁命田子奇追之餘黨悉降晟叱舍元外廷舍右金吾次令軍中五日内輒通家問者斬遣京兆尹李齊運督長安萬年令分慰百姓大將高明曜取賊敗一司馬伯取賊馬二立斬以徇士民感悅殊賊黨八人於市表守節不屈者程鎮之劉迺蔣沈趙毗薛岌等擇文武攝臺省以俟乘輿條為賊脅汙者請以不死露布上行在帝覽

之泣下羣臣上壽且言晟蕩滌光慙市不易墮雖三代用師蔑以加帝曰天生李晟以為社稷非為朕也拜司徒兼中書令帝至自梁晟戎服謁見三橋再拜頓首先賀殄殲大盜廟朝安復已即跪陳不能指日滅賊致鑒與再狩伏道左請死帝為掩涕起之就位賜永崇里第涇陽延平門田園女樂一列詔將相送入第帝自製紀功碑敕皇太子書立於東渭橋初晟屯渭橋樊感守歲久乃退賓佐賀具言進兵昌晟曰天子野次臣下惟知死敵安知天道至是乃曰前士大夫勸晟出兵非敢拒也五緯羸縮無常萬一復守歲則我軍不戰自潰矣咸曰非所及也涇州數戕軍帥晟請治不襲命者因勸耕積粟羈制西蕃乃拜鳳翔隴右涇原節度使行營副元帥徙王西平郡晟請李楚琳俱行欲治殺張鑑罪帝務安反側不許晟至鳳翔誅亂將王斌等十餘人宦者尹元貞擅入河中諭慰懷光晟勅其矯使罪備言赦懷光有五不可河中抵京師繞三百里同州制其衝兵多則

欽定四庫全書

欽定四庫全書

六

示疑少則無以控禦一也赦懷光必以晉絳慈隔還之

渾瑊康日知又勞邊徙二也兵力未窮忽有反逆今回紇拒北吐蕃搜西希烈僭淮蔡乘強示弱以招窺覷三也懷光既赦朔方將士應敕勲行賞府庫方虛不酬所望愈激之叛四也諸道解還賞典不舉怨言必起五也今河中米斗五百芻蕘行罄其大將殺戮幾盡圍守旬時勢必內潰臣請約十日糧以破賊帝方委瑒城故不許涇州田希鑒先亦殺其帥未討晟託巡邊詣涇執希鑒并其黨悉伏誅具事以聞在鎮傾家貲懷輯降附得大酋浪息曩奏封王號蕃使至息曩必在坐衣錦祀金帶虜酋指日歡艷吐蕃大懼其相尚結贊多詐謀曰唐名將特李晟馬燧渾瑊耳當以計去之即與兵抵鳳翔禁虜掠陽忍曰召吾來何不牛酒犒徐引退以是間晟晟先使王泌選兵三千伏汧陽令擊其中軍幾獲結贊又遣野詩良輔攻拔摧沙堡結贊屢求和未許更遣使卑詞因燧乞盟燧上請晟適入朝力言戎狄不可信宰

欽定四庫全書

欽定四庫全書

七

臣韓浞意與合浞卒張延賞當國故與晟有隙雖詔講解而陰不與數陳和親便密言晟不可久持兵帝感其言貞元三年冊拜晟太尉中書令罷其兵及城將與吐蕃盟延賞曰李太尉謂和好必不成今盟日定矣晟聞泣曰吾生長西陲備諳虜情所以論奏恥朝廷為犬戎侮耳延賞及晟語從通鑑補盟於平涼城果被劫僅得免罷燧河東一如結贊計云通王府長史丁瓊為延賞擠抑見晟曰以公功乃奪兵柄恐位高難全盍早圖晟執以聞四

曰此搢紳儒者事非勲德所宜晟曰君失詞幸備位將相容身不言豈所謂有犯無隱邪叔度慙晟進對嘗謂盡大臣節出未嘗露於人理家以嚴子姪非晨昏不得見言不及公事正嚴崔氏女歸寧讓曰姑在堂婦當治酒食且以待賓立遣還家達禮敦教類如此既卒城鹽州復故池以新鹽賜宰執帝思晟致鹽於靈座暮遇始終無與比有十五子知名者愿憲想聽

愿少謙謹晟立勲時諸子尚無官宰相以聞德宗即授愿太子賓客上柱國舊制柱國門列戟遂父子並賜元和初為夏綏銀宥節度政令簡嚴部人有失馬者愿懸金署牒以購三日榜下得馬二繫書云逸至不時告謹以良馬一贖罪愿歸失馬而縱其良四境肅然移鎮武寧討青鄆數有功因疾以弟想代俄節度鳳翔頗崇聲色急於政最虔中徙宣武先是張弘靖給軍優厚愿賞賚不及前而操下甚威用妻弟實緩通鑑作實緩領親兵復驕驕貪黷牙將李臣則夜突斬緩愿聞變不及巾與左

右數人縋城奪野人乘馳以免城中推李齊為留後月餘誅之貶應隋州刺史尋拜河中晉絳等節度荒侈如舊厚賂權近賊入隨盡蒲人怨且亂會卒贈司徒

憲與愬最稱仁孝憲好儒動循禮則襄陽于頔辟為從事時兵少誠跋扈獨畏頔人以為得憲之助遷衛州刺史有治行再徙絳州河中兵素仰食於絳歲租與羅常

數十萬石故教倚山民輸一車十牛猶不勝憲相地建倉

汾濱費當二百萬請留垣縣粟糶河南以錢運羅絳

欽定四庫全書

魏志

卷一百五十二

粟既免負載且權其贏完新倉絳人甚賴之入為宗正少

卿太和公主降回鶻為送使副還獻回鶻道里記後由

江西觀察轉嶺南節度憲雖勲伐起家所歷政績顯

著善治律令而性明恕嘗活大獄無罪者數百人卒於

官

愬字元直有籌略嫺騎射陰補協律郎還衛耐少卿晟

卒與憲廬墓次德宗詔歸第一宿復從跣往遂許終制

朕聞為坊晉二州刺史治異等憲宗討吳元濟唐鄧節

度高霞寓敗績代以袁滋亦無功愬求自試宰相李逢吉謂愬可用授檢校左散騎常侍隋唐鄧節度使至軍不為斥候部伍或以不肅言愬曰賊方安袁公之寬吾

不欲使震而備我下今日天子知愬能忍恥第委拊循戰非吾事因斥罷倡樂士傷病者親為營護賊降者聽其便或有親在勞之曰而亦王人無棄親戚給粟帛遣

還衆願為死山川險易賊情偽悉以告居半歲知士心

振厲請濟師詔益河中鄆坊騎二千於是攻下馬鞍山

欽定四庫全書

魏志

卷一百五十二

拔道口柵戰檣枋山取鑪冶城入白狗汶港柵襲楚城

朗山平青陵城禽驍將丁士良通鑑作王士良異其才不殺署

捉生將士良謝曰吳秀琳以數千兵不可破者陳光洽

為之謀也我能為公取之乃禽以獻秀琳即舉文城柵

降遂以其衆攻吳房日值往亡吏白法宜避愬曰彼不

吾虞正可擊也入外郭引還賊率精騎尾擊愬衆殊死

戰射殺其將孫忠憲通鑑作孫獻忠或勸乘勝攻子城不聽秀

琳進策曰欲破賊非得李祐不可愬遣史用誠候祐護